

NORTHERN MARIANAS COLLEGE

ORAL HISTORY PROJECT

CNMI ARCHIVES

Date: September 29, 1994

Interviewer: Herbert S. Del Rosario

Interviewee: Joseph S. Inos

Place: Rota Mayor's Office

Video Man: Ray D. Diaz

Transcriber: Nomi Lifoifói Kosaka

Introduction: Bueness Dias yan Hafa Adai, Senot Senado para i tautau Luta. Enkuenta de i Olympio T. Borja Memorial Library, yan i Northern Marianas College. Malago yo na baihu este na oportunidad ya baihu extendi un dangkulo na appriciasion yan si Yuus maase pot i un napossible i tiempommo para un estoriaye hit dididi, i manieluta nu i expirensiammo yan i oppinionmo, pot i pot i expirensiamo gi setbentiemmo gi publiko. Este gi na interviewed pago na haane, para baien chili este para baien pega gi CNMI Archives yan Olympio Memorial Library, kosake i tautauta gi mamamaila siha na tiempo sina mausa komo dokumento, para uanog lokue para i Marianas na hago uno gi Mayot giya Marianas gi islan Luta.

Q. 1 Seniot Mayot, nu sina un introducing maisa hauha? Nihi ta tutuhon.

A. 1 Guaho i Arcarde gi Islan Luta, nu pago, nu este i mina dos na Arcarde guaha. A,a, i malofan na Arcarde ha sagaye i offesina pot lo menos disisais anos. Pues guaho pago tumahgi. Si Joseph Songau Inos naanho. Ya guaho nu i Arcarden Islan Luta. Hututuhon gumotte este yan mumuantienne este na puesto, gi Enero dia nuebe mit nuebe sientos nobientai kuartro (1994).

Q. 2 Si Yuus maase nu, kquanto tiempo de unsetbe, i parehoha i Comunidad yan masea guine gi Marianas?

A. 2 Gi anai monhayan ma establese i Covenant, ya mana guaha oportunidad para guaha election, i primet na election Democراسiha gi finenina na Commonwealth Government, ma konducta gi Decembre gi mit

nuebe sientos sitentai sette(1977) election para i primet na organisasion gobiet^{namento} mafananaan Commonwealth Government. A, mu-muasetti yo ya hu gogti i possision, manganyi yo gi Islan Luta ya man hulayo komo Sinadot para i Islan Luta, gi Enero dia nueve, mit nueve sientos sitentai ocho.(1978). Ginen enau na tiempo, guaha kuartro biahe hubira yo tatte gi Offesinan Senadot ya hu setbei Islan Luta komo kapasidad Senadot pot disi sais anos. Despues de i disi sais anos, ñugai tiempo yógi Senadot hu bira intentionho ya malago yo para bai Mayot, ya suette yo talo sa hu ganyi i sensian i tautau Luta.

Q. 3 Si Yuus Maase Senadot. Nu gi durante i tiempo ni manietbe hau giya Marianas, parehoha Luta i Tautau Luta, yan i Sankattan gi Islas Marianas, nu hafa siha un hatsu na puntu na chechomo ni ayu i adelanta mona i linala i tanota giya Sankattan na Islas Marianas.

A. 3 Yangin para baihu fayaion tatte i tutuhon i Gobietnamento, nu hungan hu gof comprende yan kulan hulilie, gi anai hatutuhon gue umestablese i gobietnamento gi mit nuebesientos sitentai ocho, kulan i population i tano gi Commonwealth trese mit man gaigi, pinat todo i tautauttanoha yangin guaha tautau hiyong sina ta polu tres sientos pat kuartro sientos, ilau ti mato gi mit. Gi finenina ni ma-organisa i gobietnamento nu gumaigi yo gi Legislatura, gi Senate ya manae yo un katgo nu i kana tihuna- sina ya nuevo yo gi halom este na Gobitnamento. Pues ilegko na i finenina na kontribusionho sumen makat sa mana chairman yo guihi na commite mafananaan Judisiory Government yan loan. Guiya este na committe i manae katgo para u organisa i fotma- sion i gobietnamento, fotmation i Offesinan i Mayot, formation i organisasion i Justisia. yan i exeekutibo. Pues hinasokko gi primet nu na, na Legislature nu megai biahe nai man atgumento i san Haya gi exeekutibo yan i San Lago gi Legislatura. Megai nai man ma pass nu Lai, para Lai acto para Lai ya ha vito i San Haya, guaha nai man ma over right, guaha nai ti ma-over:right. I tautau guihe na tiempo pago ma expirerensia nu hafa taimano komplido na Democrasia. Ayi i para un fan ganyi, un tanchu, ya i tinanchomo i minalagomo. Iau megai giya hita ti komunprendi, ayo na tiempo. PUES komo Chairman yo gi Judisiary Government

yan local meeting, nu hu hana mafotma hafa taimano dipotsi i
 nu i Exsecutibo para fotmasiona, Guaha Public Work, guaha committee
 yan Cultural Affairs, guaha Policia, guaha bandan hinemlo, guaha nu
 a,a, Commerce, este gi siha chechoho gi anai hu na guaha este i
 public hearing, ya ma ayudayo fumotma este i mafananaan, OTST.OTST
 Office yan transsiion yan Planning Study, nu siha este na gurupun
 tautau, i inennon Assosasion i para ufan ma-ma-recomendasion hafa
 tai mano para uma operana i Gobietnamento. Pues enna gue siha, ni para
 machogue talo i lain hafa dipotsi Mayot para uchogue. Ennagui kulan
 Chair ya hu spear head. I Courti guihi na tiempo taya trabia courti
 guaha guma lau taya sanhalomna. Nu hu chair ayogui talo ya enna
 gui muna halom enau na klasen organizasion. NU guaho ya chogue enau
 ya hunanae ha credit para i man gachonho, sa man akomprendi ham ya
 ma pasa. Magahet na mapos didog i sinenten i politika, i Democate
 yan i Republican. Lau masea mano diput fin man akomprendi hit.
 Enagui ilegko i finenina na mas huna guaha kontribution i managuaha
 maestablese i gobietnamento. Ennagui i mas tatkilo. Despues di enau
 kulan ta kutkukula mona hafa taimano ni mas tana labonitu nu na asen-
 tadu, yan hafa taimano nai mas sinia dangkulo i setbisionnia giPubli-
 ko. Lau i mas importante guine i putana guaha Foundation i Gobietna-
 mento. I Public Law 1-8, guiya umestablese enau i mafa-nanaan
 Government Organization Act, Chichohoha ayo, I Public Law 1-4,
 i Mayor nu Act, Chechohoha ayo mapos magof yo. I anai ma-establese
 i finenina ni primet na machogue i Civil Services Commission, Public
 Law 1-10, mapos magof yo, gumaigi yo guenau. Gi anai ma establese
 i Office Civil Commission, Nu guaho u muntrodusi enau gi hilo i
 nu i kontestation OTST, Public Law 1-32, manpos magof yo nu enau.
 Pues megai siha Lai enchegui gi primet na Administrasion. Gi mit
 nueve sientos sitentai ocho (1978).

Q. 3 Si Yuus Maase nu Senadot Inos. I primet esta sieti anos na man halom
 gi tanota i Northern Marianas gi Commonwealth, sigun i Covenant i
 ileglegna na contratata i Covenant na i Estados Unidos na i munisipa-
 lidad Luta yan Tinian nu debidi umaresibe i mas dididi a, five-
 hundred thousand dollars (\$500,000.00) para i title, i title,
 I title i munisipat Luta nai. Enau na kantidad. Nu harripiti i
 Munisipat Luta na siete anos anai manhalom?

A. 3 I Covenant hana guaha probision, mantension, gi anai para u-guaha nu, nu directon i minoria. Ginen anai matuhon ma-establese mafanaan Mariana Island Distric, mafananaan Marianas Island Distric kulan guaha sentimento gi halom i minoria na tautau gi Espanya gi Islan Tinian na laylayi ti man ma gegef atan siha. Ti man ma gegef atan i nisisidad niha. Sa buenti pot i taigui i propio Saipan. Pues i durante i Covenant nu guaha nigosio gi anai para u maatan i mismo na guaha Luta yan guaha Tinianaya munga ayo man mananae second hand. Munga ayi i masea hafa na clasen rafenta munga ayi i despues de i meeting na uma tutungo. Malago i tautau Luta yan Tinian na uguaha partisipasion niha gi areglamenton i Gobietnamento. Pues uno ni para uma segura enau na para uma atan ya uma trata i minoria ileglegna, kau sina ta nae pot los- menos Kinientos mit \$500,000.00 para este na Isla para manasetbe gi minalago niha. Pot lomenos enau sina hanasetbe mit pat dos mit pat tres miyon pat hafa. Lau pot lomenos. A, hungan ha resibe i Islan Luta nu gi primet biahe ya i islan tautau Luta represen- tante nu dumisidi i areglamentonna. Gi si gundo nu guaha yinau- yau gi halom i executibo, sa yangin un hatsu kulan guaha este mapolo one point five (1.05) na figura. Miyon kinientos mit na para uma umentaye ayo i hasasagan pot lomenos. Ya i para uma- omentaye pot para umana guaha chalan maaregla dididi yan i hanom. Lau ti inapreba ni gobietnamento as former Governor Carlos Camacho. Gi hilo enau nu in gagagau ayudun Saipan para uma over- right ayi i ha Veto, ya eventually nu ti ma over-right. Pues man hanau ham guato asta i courti chin mami, nu enau. Ya gracias adios na masea ti man manae ham nu ayo i tiempo gui, ayo i kinien- tos mit ni potlomenos tampoko i i, i miyon nu kinientos mit ti ma- nae. Man braboha i tautau ya ma-komprendi na magahet na mamos didog i politica gi tutuhon i gobietnamento.

Q. 4 Sinot Mayot sina un sagane yo hafa siha planumo ni para un na ade- lantau mona i economia yan i tano ni tautau guine gi gatbo na Islan Luta?

A. 4 Nu, tahank you. Finenina yangin ta atan i tano Luta, Gi 1978, guiyayaha aayoha i minedonna i Islan Luta, ti dumadangkulo, ti dumimikiki. Lau i gaige gi san halom i tano, ha mutiplika siha mas, yan mas, yan mas. Gi mit nuebesientos sitentai ocho, i popu-

lacion Luta, sanhiyong yan sanhalom sina baihu alog 1,200. Pago i man gagaige gi Islan Luta maske hadoble gue gi este sa guaha 3,000. Pues sina baihu alog hafa taimano na tratamiento nai sina tanae este i 3,000. Gi presentí aanog na i malofan taya tilifon Luta esta pago guaha siha tilifon. Antes i electricidad guaha linihan sa taya asiguridad cau guaha electricidad. Guaha pago guaha. Nu i hanom nu guaha linihan sa man mayulan i pipes, pago guaha. Husasagan na Luta pago hamirese ayigi siha na facilidad yan pribilehio, I hagas man mamirese Saipanha. Luta pago sumisiha patte komo Saipan. Ya pago nai malie na hungan, magagahet na man u-unoha. Hau anog buenti na estegi nai gumuaige nai anai tana guaha probision i Covenant na atan ham sa man hihitaha , ahe ti infa ootro ham. Iplanon i Islan Luta para enna siguroha na baien na mauleg i sitbisio para i man gaige siha guine. Baien kontinua muna guaha sitbision kandidit, sitbision hanom, sibitsion television, sitbision electricidad, sitbision transpottasion, yan todo siha hafa na clasen pribilehio, yan oportunidad ni gumuaha lokue gi Capitat gi Islan Saipan. Pues baien kontinua este lau i machogue gi anai para umakontinua kulan megai na biahe nu initug i setbisio sa lahyiyi i salape muna fagalalamten hit. Ya i salpe ti derepenteha finatotonia magi.

- Q. 5 SI Yuus maase Seneiot Mayot. Nu sina un sagane hit dididi,gi malo-fan siha na mes:nu prisisu. Dangkulo na tutot humuyong gi gasetas iha pot i probleman i empleau, ya hutungoha na hamyo hago yan man magas este na ortoridad, este na tano, manan infecta man yinauyau ni este na problema. I malagnos gi gasetas i Marianas Variety yan i ya America ni este i probleman nu Labor Abuse. Enau nu sagane yo dididi pot enau na problema?
- A. 5 I problema nu i guaha yinauyau gi gasetas iha nu toma padaset i tratamiento ti tautau tano, ni mafananaan Alien Labor. Nu hatutuhon este gi siha man mafaniago gi anai man malalagnos report ya hu atan ya hu notisia huyong i man mamangi report na layiyiti tidinanche bidan niha sa un-bandaha ma-aatan. I tautau Luta man hotnaleru, parehoha yan Saipan yan Tinian. Pues este gi siha i man ma-emplea nu i ti tautau tano man machochocho guini, man machuchuli binefisisio lokue i tautau gue para i tano niha. Lau ileg niha i

man ma bidan niha, ti dinanchi. Inasogko masea mano na lugat guaha este siha i linachi megai dinachi lau guaha linachi. Lau yangin guaha linachi nu ma-espipia empenio ni para mana enkubukau i comunidad ya ya para uma atan papa, na layeyi ti sagan tautau i islan Luta, kulan mapolo na gaigi gi halom tano ya tautau halom tano i islan tautau Luta. Mapolo nu na layiyi kulan timan sibilisau i tautau Luta, Ma-polulu layiyi na man baba tautau Luta. Lachi este. I tautau ni malago mangi report nu yan infotmasion nisisidad na ufato propi gi lugat ya u ketungo hafa taimano man masusedi gi Islan Luta, Ya kau dinachi magahet i report. Hungan ilegko na guaha dinachi, gi report gi halom i megai man ma-report, lau ombres ayo i dinachi nu layiyi, sigtha macorihi mona ilinachi para umana dinanchi, Guaho hu atan na, esta mofona hungan na guaha este i ramas Hutisia, na yangin guaha linachina un tautau ya tisina umakomprendi, guaha propio lugat anai para uma-ukupu ya umatuka, haye magahet dinanchi. Pues ti machuchuli nu ayo na probilehio i ufan malag i kotti, ya uma preba magahet hayi lachi ya lachi uma penalisa, ya umanae direchona i mafababa. Enna gui mas i kotti. Pues ilegko nai yangin fotmat este na accusasion, i manmatancho i empleao siha guine nai, debi ufan halom guato gi kotti. Lau fato magahet gi kotti nu taya evidencia guaha maaniau ilegna, guaha ilegna taya salapena, guaha setbисio guini, guaha ramas Histisia na ayo gui nai para uma-satba i problema. I ge-fina na ma-sasagan Labor Abuse, nu layiyi in setda na kulan ma-hugandon niahon i gasitero. Ya masoda na kulan i fino English, kulan man field day i gasitero sa man manioda unos kuantos palabra ni sina manafa atochi ya man mama istoria. Nu mato china na na, masagan ni tidinanchi, I-Islan Luta nu karinioso i tautau siha, uniko tietienan na klasen tautaugue sa este i Chamorro Luta nai gaige ma-practica todo i kuttura yan i tradicionat na kostumbren niha. Man mauleg este. Tumaya, nu taya dangkulo na tritudo gi Comunidad na yinauyau ni sina maalog na ti katma i tano. Nu mauleg Luta, nu man trankilo i tautau ni pago man hahalomha, gi pago guaha tautau hiyong mit sais sientos, gihalom este tautau hiyong ni ti-tautau tano, gihalom enau, mit dos sientos maritnueba siha talo, gi iyong niha application para ufan niaga Luta ya ufan machocho. Kulan mas sitentai sinko pot sientos na tautau ni man gaigi gi man malofan maniasagaha guine, mamuniebaha siha sakan pot anos sakan pot anos, sa man trankilo, masotda na katma yan pas, i

comunidad. Pues maulegna mon ma umaespia hafa na maniasagaha ayo i ilegniha nu na baba i lugat.

Q. 6 Si Yuus Maase nu Mayot. I otro setso malagnos gi gaseto na sina-
ha i, i U.S Immigration, nu tumaiguine mona parekoha'i problema
lokue giya Saipan masusedi lokue. Surioso buenti, mas siriosu
Saipan kini este. Hafa inasosommo komo i plano ni sinaha i Federat
para u halom ya guiya u handle este i Immigration. Hafa
mohon na problema sinia hanaguahayi gi tanota komo man halom gi
tanota, hafa mohon mauleg pat timauleg? mona?

A. 6 Uno muna hulia na tagogosa i este i mafananaan Commonwealth i
Northern Marianas, sa finatinas dos gobiernamento. Ti finatinas
Americaha yan tiffinatinas Commonwealth-ha, finatinas niha i Gobiernamento.
Ilegko na yangin gi tutuhon malago hit na i Custom
yan i Immigration para iya Americaha u inaregla, buenti maulegna
tafa miembro ya tafa Estates. Sina i mina sikuentai uno hit na
States. Lau taya enau gi hinasotta i para utafan States. Malago
hit na otro areglament u guahata, ya uno enau na condition na
ti man States hit. Ya yangin man malago hit man states, mala
tafan states. Ya todo i lai ufan aplicapli, todo hafa masu-
sede gui uguaha masusede guine. Nu hu lie na uno na condition
nai ti man malago hit man states. Sa pot i man konfotmihiha ta
preba na para hit lamon maisa guenau gi kuarentin, guenau gi
costum, guenau gi Immigration yan lokue i Labor. Aneg na guaha
provision yan man malati i Americano mas ke hita, kulan famaguon-
na hit gi areglamenton este gui siha i linala nai. Manahalom nu
provision talo gi Covenant na sina humalom yangin halie na i
tautau tano ti hachochogue dipotsi para uma chogue. Lau huatan
na hita parata dinigta yan sinagan hafa parata chogue ni mauleg
manu china este na minauleg para tachogue, yan para kuantos tiempo
ni parata chochogue este. Hu atan na i Immigration, yan masea i
Labor, nu ilegko sufisenti i set bisio nu tananae i tautauta,
buenti nu mapolo na ti todo ta chochogue i malago niha. Lau
guaha lokue malagota, para ta chogue. A, Guaha dididi initud
na oportunidad i economia gi tanota yangin para lamonnihaha
ya ti para tafan entalog. Lau kulan guaho hu hongge na na ti uma
chogueha enau gi deripenti.

- Q. 7 Si Yuus Maase Seniot Mayot. I otro na questiona este gi buenti i mina dos, Kattan i ottimo biahe nu (Profit order) Huhatsuha anai membro hau gi san hilo na guma I Legislatura i Commonwealth na ayo buenti uttimo na budget manahalom. Gi pre-senti, gi malofan taallog nu taya iyonna budget giya Northern Marianas. Nu sina un sagane yo nu i problema ni haaccepta este i offesinamo, sino i otoridadmo ni para uma ni taya ma pasa ni budget?
- A. 7 I budget ni uttimo ma pasa gaigi na i Agostu dia dosi, mit nueve sientos nobientai dos (August 12, 1992), Presidenti yo gi Senate guihi ya hুলie na i mas mauleg para uma chogue i uma pass i budget. Sa ti layiyi nu dimasiau machogui este i budget. Megai siha nigo-sio un chogue. Debide ufan gonprendi ya un-makomprendi. Annai este i budget. Pues gi anai hুলie na dinachi i tiempo yan i kantidad ni para uguaha ufan manae i tautau ni direchon niha, Ma pass i budget ya dinachi hau nu guahu nu muna mapass magahet budget. I Budget mafananaan 8-2. Despues de ayu nu ilegniha na para mana lamauleg i otro sakan, otro sakan, otro sakan, sigiha ya esta mas ke dos anos tatayaha budge. Hu ataan i problema gi budget, nu finenina, kada uno giya hita guaha malagota ta chogui, ya enau mas tatkilo, enau mas tatkilo i parata sagan na chechoho este gui, guaho muna guaha este, chechoho este. Megai na tautau, man nuebo man halom guini, sa este i budget, pelean man amko este. Nu bodylining lau debide un faye gi linning. Nu este i budget nu tungo man nae ya gi mismo tiempo nai man-nanae hau fan-niuniu ha gi nina imo. Debide un tungo nu, debide un carinioso, debide un guaha sensiammo magonprende, yan makomprendi. Gi pago i budget hulie nai ti ma-papasa primet na rason, i guaha mampos sensian este i tautau Luta yo, Baihuna mas megai budget para Luta, tautau Tinian yo, baihuna guaha mas budget para Tinian, tautau Saipan yo baihuna mas megai budget para Saipan. Gi gefina ilegko, debi i tautau u tungo, ya unafan suha enau siha na sentia, i para Luta mas, Tinian mas, Saipan mas. Sa man uno hitha. A,a, en-nagui, en-nagi na sentia debide un gaige. Antes de un halom gi Budget ti para bai hu sagan finenina na para bai hu chuli este na patti para guaho nai. Hutungoha na man machochocho, hutungoha na macha-cha gi, empenio ni mano nai sina, lau tima prodususi i budget. Sa

i budget, debidi un-tungo munigoso, un-tungo numigoso, para i tautaumo, yan masea ti para i tautaumo, sa i tautau debide ufan maniagi gi budget. En-nagi mas huaatan na i budget, maaatan komo personat mas ke i interes i publiko.

Q. 8 Si Yuus maase talo . I ottro na questiona, na guaha atton ma-introdusi para umana guaha ayo i maalog third, mina tress na Constitution Convention. Ya siguon i karerarana i agto nu kulan mamaigo gi guine na guma, lau guma Congresso. Hafa mohon hinasommo gi presentii constitution nanangaha, orti ottro

cau prisisu na uguaha este i mina tres na Constitution Convention?

A. 8 I finenina na uatan na manpus hit man geffena na i tautau Marianas nai sigiha ni tatulaika iyota Constitution, Kaulan ti man siguru hit hafa para ta chogue gi sinko anos osino dies anos. Lau este i Constitution kulan dipotsi titombayon nu uketu sa ayogui i malagota ya para u tinilaika, heneration pot herenation. Ennagui para utinilaika ti para hitaha ta tulalaika. Kumeke ilegna yangin tatulaika i Constitution ya guaha lachita, ya tita lie este i lachita, sa manpos man hihot i inatanta ti chago. Dudahu kau uguaha Constitutional Convention. NU hutungoha na machogue politica este, i para mana guaha Constitutional Convention, A, lau yangin gumuaha, hafa malagoho nu anog gi gi presenti siha na guaha man mapolo gi Constitution ni tidebi mon i Constitution nai ufan ma polo, Polu ya umafa laiha sa enau i lai sinaha tatulaika kada dia, kada semana, pat kada mes. Lau i Constitution kalan dipotsi maatan komo guiya i hali i gobiernamento, hali para u-inaregla i lai, ya i laiha sina utinilaika. Papa hu-atan gi gi Constitution, huatan i Constitution na yangin nesesario na uguaha, para u guaha mas asugurida gi Islan Luta yan gi Islan Tinian. Na itautau ni maganyi, gi Islan Luta para guiya i Tatan i tano. Para guiyaha tatan i tano. Solamenti guaha actu che-cho Yuus nu i tisina ta kubri ni tautau. Mafananaan "Act of God". Nu en-nagui nai sina humalom ya u entrompi. Gi pago mina guaguaha yinauyau gi comunidad sa i tautau malilie na kulan guaha humahalom ni tidipotsi huhalom gi, gi rayana. Nu pot kulan Territory ayi, mapolo hau na hagu esta guenau ya ma angoko hau pues gotpipiha, guaha ottro humalom. Ennagui hulie na debidi na uma, uma nasuha na klasen nu areglamentu. I ottro, malago yo lokue, na ulie esta i Constitution na u-halom gi Budget. Ayo na clasen Constitution i husasagan na guaha

esta ma sigura i Depattamentu salapena, masea uguaha pago pat taya budget. Pues i budget manahalom para umentayeha, hafa ayo i mafana-naan addition resources. Ayi gui para uma-dibide ya umanae. Gi pago kulan tumaya esta balina i lai na pot i hunae hau, siento mit pesos mapos na sakan, para bai hu expecta na para baihurisibe siento mit talo pago para operasion i offesina, Tumaya enau. Taya asiguridad ya gimagahet pago tumaya nai, ya taya in mereresi. Ennagui uno sa enauha nai sina talie para ta setbi i publiko. Debi utanaguaha asiguridad, baihu tungo kuantu para salapeho ottro sakan. Ya ayigui na bai fotma i administration ho. Lau gi taiguine sina ta polo gi Chamorro, man lalailai hit ha sa tita tungo hafa para ufato agupa.

Q. 9 Si Yuus Maase. I ottro dos na questiona antes de ta huchum, Guaha tieneki ma introdusi mato hulo na guma, ni para hu hatsa i minimum todo gi kontra i checho gi kinsi sentimos. para un chochotodo ayo siha na muchacha yan i man lanchero yan i peskadot. Hafa mohon hinassommo ni este na planu? Kau debi de uma reconnisa este pat nu, sina un sagane yo?

A. 9 Hu komprende na guaha machochoque enau para uma kahat i suedon tautau. Ya para ^{mas} dididi na apas i kuatro peson bienti sinko centimos. Komo guaho baihu atan enau ti enau baina bienti pesos gi ora, hafa na para enau ha i kuatro pesos bienti sinko. Ya tampoko, maila ya ta-na trenta pesos gi ora. Hafa diferensiana i kuatro pesos bienti sinko centimos yan i sinkuenta centimos gi ora ya todos hit tafan machocho sinkuenta pesos gi ora. Guaha motibo na machogue este. Kau haye tumago hau para ayo i kuatro bienti sinko, hafa na tiuna sientu pesos gi ora? Kau haye malago hau na un na trakilo i hinasonna? Haye malago hau na una satisfectchu, Kau hu keke-punog yo o una keke lala yo? Hu atan na yangin humananau enau i ma hahanan na planu ni kuatro pesos bienti sinko sentimos gi ora, megai man hanau nu i man gaige guini ni man ayuyuda, megai na familia gi presenti ni dos machochocho siempre unoha machocho, sa para u atiende i ottro familia, ya alugat-di de ta ayuda i economiata, hu lie na mumenos tautau, menos i economia sa hafa, sa i tautau ti mana sinia enau. Yangin enau i kuatro pesos bienti sinko gi ora para baihu apasi i tautau, ya pago hu apapasi dos pesosha, kumeke-ilegna debi pago i suetdogko mahatsa hulo para baihu aumentayi, para baihu nana hungge ayo. Pues yangin esta taiguin角度 malagona i kuatro pesos bienti sinko centimos gi ora, Buenti

baihu alog America maila ya un fa-Lai yi ham hafa malagomo ya baien fan amen. NU i Marianas, tautau Marianas. Ya i Marianas para udi-nigta ni minalago i Marianas. Maulegha lokue na tafan osguon. Hafa tinago ottro lau tafan osguon gi talagat, sa titana sina enau umuma, Para usagan para baihu uma i tihulangat, siempre un na seyong yo. Ya hita ni tautau tano ni Chamorro, tatungoha hafa enau i sehyong. Sehyon ayo i para ta chogue i titanasina. sa hafa sa man keke lala hit , lau ti nisesario enau. Guaha tanafan satisfefecho, Ti hu fa-bot enau na idia.

Q.10 Si Yuus Maase Senort Majot. I uttimo na sustema, guaha malagomo para un sagagane i tautauta siha gi Saŋkattan siha giya Marianas?

A. 10 Nu hu lie na gi halom i ..esta para disisiete anos yo gi halom i setbision i publiko hulie na megai matulaikanna i gobietnamentota. Hulie gitinaga tautau, esta i minegai tautau, hulie ginen i mampos hailas, yan umeskases i tano estake rimicon i tano, ya pago i pine-don i ekonomia. Hulie i man matulaikan i sentian tautau, yan kostum-ren i tautau, yan hulie i education i tautau guine. Alog na i tau-tau Marianas sinaha man lala nu siha, Nu guaha sensiata siha ni man otgoyoso na Chamorro, na hitata, yan tautau tano, hitata, munafan popotdon achoka ^{tana} sinaha chumogue i checho, nu megai giya hita tisina umatmite enau ya ta hahatla papa i tautau. Megai matulaikanna i Kostumbreta esta megaina na tiyata man fino Chamorro nu i dos Chamorro, nita ni dos Gupalau tisina mapos fumino Gupalau, Nu mampos manhonge na debi mampos ta mamuda yata kahehit ni kutbata ni parata ma-atan na tatkilo, Nu debi esta nu tafan sinapatos lalamlam guato gi chechota, Nu debi tanae kadena yan gatbesa yan rilos todo i ta-tautauta, I kuetpotta ta malago hit tatulaika, komo sina hit mon tatulaika ya tana kulot apaka hit, tafamahanha ayo na klasen habon tasina hit ya tana kulot apaka. Taiguenau esta malagota. Taatan i San Lago, iya America, pot bandan tinigo, taaatan pot bandan guinaha, .Lau taatan guato i Japones gi bandan i ekonomia. Man ma tulalaika hit, ^{ya} Ti uchagogo Chamorro yangin ti para ta fageton niahon, ya ta attituye tanae attention hafa bidadata. Man mauleg hit na rasan tautaugue nu, manmafanague hit para i tratamenton i tautau umanae respeto i mas tatkilo, Lau man aguagat hit, Man aguagat hit na rasan tautau, tihu tungo hafa taimano este tutuhonna yan i uttimonna. Lau

Debi tafan manhongge na hita na rasan Chamorro, debide ta tatungo man man respetá. uno yan ottro. Tafan manrespetá, man gofliion hit, manmatungota na happy na tautau tautau siha ni man antiguo.Pues maila ya ta kontinua este i man agoflieta ya ta protehe i Gobiernamento, ta protehi i man ma ilihí, NU tanapara este, i chinatlie gi bandan i gobiernamento siha. Enauha nai sina tafangahulo.Olat mohon ya este i manmamamaila na generasion,umalie ya uma estudia hafa taimano kumahulona i gobiernamento, ya siha mas u-amentaye para u mas mauleg. En-nauha si Yuus Maase.

Q. 11 lokue
 SI Yuus maase Senot mayot, Ni malago yo lokue na baihu chuli este, enkuenta de i CNMI Archives, yan i Olympio T. Borja Memorial Library, Malago yo na baihu nae hau dangkulo na si Yuus Maase, pot i un yute i tiempomo, para un estoriaye ham, i experensiammo, yan i opinionmo siha ni man ma susede guine gi tano gi San Kattan na Marianas, si mas si Yuus maase talo.

A. 11 Okay, maulegha no prem.